



ЭРКИН ВА ФАРОВОН, ДЕМОКРАТИК ЎЗБЕКИСТОН ДАВЛАТИНИ МАРД ВА ОЛИЖАНОБ ХАЛҚИМИЗ БИЛАН БИРГА ҚУРАМИЗ

Шавкат Мирзиёевнинг Ўзбекистон Республикаси Президенти лавозимига киришиш тантанали маросимига бағишланган Олий Мажлис палаталарининг қўшма мажлисидаги нутқи

Ассалому алайкум, қадрли ватандошлар!

Мухтарам Сенат Раиси ва сенаторлар!

Хурматли Спикер ва депутатлар! Хонимлар ва жаноблар!

Аввало, сиз, азизларга, сизларнинг тимсолингизда бутун халқимизга мурожаат қилиб, менга юксак ишонч билдириб, Ўзбекистон Республикаси Президенти лавозимига сайлаган барча ватандошларимга чин қалбимдан яна бир бор миннатдорлик изҳор этишга ижозат бергайсиз.

Бугун, мана шу юксак минбардан туриб, юртимизда яшаётган барча миллат ва элат вакиллари, мухтарам отахон ва онахонларимизга, мунис аёлларимиз, навқирон ёшларимизга самимий ташаккур билдираман. Юксак инсоний фазилатлар соҳиб бўлган, меҳнаткаш ва бағрикенг халқимиз олдида бош эгиб таъзим қилишни ўзим учун ҳам қарз, ҳам фарз деб биламан.

Сиз, азизларнинг, эл-юртимизнинг менга билдирган мана шундай юксак ишончини ўзим учун катта шараф ва улкан масъулият деб ҳисоблайман.

Ҳеч нарса билан қисслаб, ўлчаб бўлмайдиган бундай олий ишончни оқлаш учун бор куч-гайратим, билим ва тажрибамни, бутун борлигимни бағишлашга ваъда бераман.

Менинг номзодимни Ўзбекистон Республикаси Президенти лавозимига кўрсатган ва бутун сайлов кампанияси давомида қўллаб-қувватлаган Ўзбекистон Либерал-демократик партиясининг барча аъзоларига алоҳида миннатдорлик билдираман.

Шу билан бирга, муқобиллик асосида ўтган ушбу сайловларда иштирок этган Ўзбекистон Халқ демократик партияси Марказий кенгаши раиси Ҳатамжон Кетмоновга, «Миллий тикланиш» демократик партияси Марказий кенгаши раиси Сарвар Отамуродов ва «Адоллат» социал-демократик партияси Сиёсий кенгаши раиси Наримон Умаровга яна бир бор ўз ташаккуримни изҳор этаман.

Фурсатдан фойдаланиб, менга ўз табрик ва қутловларини йўлаган барча хорижий давлатлар, халқаро ташкилотлар етакчиларига, сиёсат ва жамоат арбобларига, шунингдек, сайлов жараёнида ва ҳар доим бизга хайрихоҳ бўлиб келган, бугунги йилгилишимизда иштирок этаётган хорижий давлатларнинг юртимиздаги дипломатик ваколатхоналари раҳбарларига ўзимнинг чуқур миннатдорлигимни, чуқур ҳурмат-эҳтиромимни билдираман.

Қадрли юртдошлар! Барчамизга маълумки, ҳар бир суверен давлат ўзининг бетакрор тарихи ва маданиятига эгадир. Бу тарих, бу маданиятнинг ҳақиқий ижодкори, яратувчиси эса, ҳақли равишда шу мамлакат халқи ҳисобланади.

Ўзбекистонимизнинг кўп асрлик тарихи ва кейинги 25 йиллик ривожланиш даври, ўз давлат мустақиллиги ва суверенитетини мустаҳкамлашга қаратилган тараққиёт бу ҳақиқатни яна бир бор яққол тасдиқлаб берди. Ана шу бунёдкорлик жараёнининг қудратли ва ҳал қилувчи кучи, ҳеч шубҳасиз, кўпмиллатли халқимиздир.

Ўзбек халқининг неча минг йиллик тарихида қандай мураккаб

даврлар, оғир синовлар бўлганини барчамиз яхши биламиз.

Ўзбекистоннинг энг янги тарихи ва биз эришган оламшумул ютуқлар мард ва матонатли халқимиз ҳар қандай қийинчилик, тўсиқ ва синовларни ўз кучи ва иродаси билан енгиб ўтишга қодир, деб баралла айтишга тўла асос беради.

Биз аждошларимизнинг ёрқин хотирасини асраб-авайлаб, қалбимизда, юрагимизда абдий сақлаймиз. Букилмас ирода, фидойилик ва жасорат намунасини амалда намойиш этиб, ўз ҳаётини азиз Ватанимизнинг ҳар томонлама раванг топишига бағишлаган устоз ва мураббийларимиз, замондошларимиз билан биз чексиз фахрланамиз.

Мен бугун Олий Мажлис палатари, сиёсий партиялар ва ҳаракатлар, жамоат ташкилотлари, бутун халқимизнинг сая-ҳаракатларини Ўзбекистон Республикасининг Биринчи Президенти, барчамиз учун азиз ва қадрли бўлган Ислам Абдуганиевич Каримов бизга васият қилиб қолдирган ягона мақсад йўлида бирлаштиришга даъват этаман.

Бу олижаноб мақсад — изчил ва барқарор ривожланиш, эркин ва фаровон, демократик Ўзбекистон давлатини барпо этишдан иборатдир.

Бугунги кунда Ўзбекистон жаҳон ҳамжамиятида ўзининг муносиб ўрни ва мавқеига эга. Биз дунёдаги барча давлатлар билан яқиндан ҳамкорлик қилиш ва амалий мулоқот учун очиқмиз. Бўлиб ўтган демократик сайлов жараёни бунинг яна бир ишончли ва яққол тасдиғи бўлди.

Сайловни кузатиш учун дунёдаги 5 та нуфузли халқаро ташкилот ҳамда 46 та давлатдан 600 нафарга яқин кузатувчи қатнашгани сизларга яхши маълум. Айниқса, Европада хавфсизлик ва ҳамкорлик ташкилотининг Демократик институтлар ва инсон ҳуқуқлари бўйича бюросининг тўлақонли миссияси биринчи марта юртимизга ташириб буюрди. Яъни, ушбу халқаро тузилманинг 32 та мамлакатдан келган 200 нафарга яқин вакили — бу албатта кичкина гап эмас — айнан демократик тамойиллар талаблари асосида сайлов жараёнини синчиқлаб кузатиб борди.

Сайловда халқимиз ўзининг хо-ҳиш-иродасини, юксак сиёсий онги ва фаол фуқаролик позициясини ёрқин намойиш этди. Бу, ўз навбатида, эл-юртимизнинг ўз тақдирини келажакка қандай катта ишонч ва масъулият билан қараётганини яққол ифода этади.

Сайлов натижаларини биз аввало ватандошларимизнинг Ўзбекистонда амалга оширилаётган демократик ислохотларга, яқин ва оқибатдаги ўқун белгилаб олинган стратегик тараққиёт дастури-мизга берган ҳолис ва ҳаққоний баҳо, деб қабул қиламиз.

Сайлов сиёсий партиялар ўртасида соғлом рақобат ва кураш, миллий қонунийликнинг талабларига, сайлов бўйича умумэтироф этилган халқаро стандартларга тўла мос ҳолда, эркинлик ва очиқлик руҳида ўтганини барча чет эллик кузатувчилар очиқ ва баралла таъкидлашди.

Кун кеча Марказий сайлов комиссияси ҳам ўзининг сайлов натижаларини бўйича яқиний ҳисобларидан шу ҳақиқатни яна бир бор қайд

этди. Ҳеч шубҳасиз, бундай юксак эътироф, бундай юксак баҳо барчамизни қувонтирди.

Мухтарам дўстлар!

Бугун мен Ўзбекистон Республикаси Президенти вазифасини бажаришга киришар эканман, буюк давлат ва сиёсат арбоби, азиз устозимиз Ислам Каримовнинг ишларини давом эттирган ҳолда, 32 миллионлик катта халқ, катта мамлакатни бошқариш қанчалик масъулиятли ва мураккаб эканини, давлат раҳбари сифатида зиммамдаги жуда улкан жавобгарликни ҳар томонлама чуқур ҳис қилиб, англаб турилман.

Биринчи Президентимиз ўзининг серқирра сиёсий фаолияти, олижаноб инсоний фазилатлари билан Ватанимизнинг кўп асрлик тарихида ўчмас ва ёрқин из қолдирди.

Буюк Юртбошимиз нафақат Ўзбекистонда, балки бутун жаҳон миқёсида катта ҳурмат ва обрў-эътиборга сазовор бўлган улкан шахс ва арбоб сифатида танилган эди. Шунинг учун ҳам устозимизнинг хотирасини абдийлаштириш бўйича минглаб юртдошларимиздан кўплаб таклиф ва тавсиялар келиб тушмоқда. Уларнинг барчаси айни пайтда атрофлича ўрганилмоқда ва бу борада алоҳида қарор қабул қилинади.

Хурматли мажлис иштирокчилари!

Бугун дунёдаги шиддатли глобаллашув шароитида, халқаро майдонда турли манфаатлар тўқнашуви кучайиб бораётган, жаҳон иқтисодий-молиявий инқирози давом этаётган кескин бир вазиятда Ўзбекистонга раҳбарлик қилишдек улкан масъулиятни зиммамга олаётган эканман, мен аввало кўпни

қўрган, донишманд халқимизга, сиз, азизларнинг ёрдам ва қўлагинизга таянман ва ишонаман.

Барчангиз хабардорсиз, сайлов арафасида мен сайловчилар ҳамда аҳолининг турли қатламлари вакиллари билан кўплаб учрашув ва суҳбатлар ўтказдим.

Ана шундай очиқ мулоқотларда билдирилган амалий таклифлар, қонуний талаблар, уларни амалга ошириш учун қўрилган аниқ чора-тадбирлар, очиғини айтман, мен учун яна бир катта ҳаётий мактаб бўлди.

Ана шу учрашув ва суҳбатларнинг яқиний ҳулосалари мамлакат Президенти лавозимига ўта муҳим ва масъулиятли фаолиятимда мен учун дастурий қўлланма бўлиб хизмат қилади.

Бугун замоннинг ўзи барчамизнинг олдимизга, биринчи навбатда, Ўзбекистон Президенти сифатида менинг олдимга янги ва гойта масъулиятли вазифаларни қўймоқда. Ана шу асосий вазифалар ҳақида бугун ушбу йилгилишимизда қисқача ахборот беришни ўринли, деб ҳисоблайман.

Биринчидан, биз мухтарам Биринчи Президентимиз Ислам Абдуганиевич Каримов бошлаб берган кенг қўламли сиёсий, иқтисодий ва ижтимоий ислохотлар йўлини олишмасдан, қатъий ва изчил давом эттирамиз.

Бу йўл — эркин, демократик, инсонпарвар давлат қуриш, фуқаролик жамиятини шакллантириш, Ватанимиз иқтисодий қудратини юксалтириш ва янада раванг топиришининг мустаҳкам заминидир.

► Давоми 2-бетда.

ЎЗБЕКИСТОН РЕСПУБЛИКАСИ ПРЕЗИДЕНТИ ЛАВОЗИМИГА КИРИШИШ ТАНТАНАЛИ МАРОСИМИГА БАҒИШЛАНГАН ОЛИЙ МАЖЛИС ПАЛАТАЛАРИНИНГ ҚЎШМА МАЖЛИСИ ТЎҒРИСИДА АХБОРОТ

Тошкентда 2016 йил 14 декабрь кунини Ўзбекистон Республикаси Президенти лавозимига киришиш тантанали маросимига бағишланган Олий Мажлис Қонунчилик палатаси ва Сенатининг қўшма мажлиси бўлиб ўтди.

Тантанали маросимда Ўзбекистон Республикаси ҳукумати аъзолари, вазирлик ва идоралар раҳбарлари, Марказий сайлов комиссияси аъзолари, мамлакатимиздаги хорижий давлатлар элчихоналари ва халқаро ташкилотлар ваколатхоналари раҳбарлари, мамлакатимиз ва хорижий оммавий ахборот воситалари вакиллари иштирок этди.

Қўшма мажлисни Ўзбекистон Республикаси Марказий сайлов комиссияси раиси М.Абдусаломов очди. У юртдошларимиз ўзининг юксак сиёсий маданияти, Ватанимиз тақдирига дахлдорлик туйғусини намойиш этиб, 2016 йил 4 декабрь кунини бўлиб ўтган Ўзбекистон Республикаси Президенти сайловида фаол қатнашганини таъкидлади. Сайлов жараёнида 5 халқаро ташкилот ва 46 давлатдан 600 га яқин кузатувчи кузатиб борди. Бу Ўзбекистон Президенти сайлови демократик талабларга тўла мос тарзда, миллий сайлов қонунийлиги ва халқаро стандартлар доирасида, очиқ ва ошқора ўтганининг ёрқин далилидир.

Юксак савияда ўтган Ўзбекистон Республикаси Президенти

Ўзбекистон Республикаси Давлат мажлиси янгради.

Тантанали маросимда Ўзбекистон Республикаси Президенти Шавкат Мирзиёев нутқ сўзлади.

Шу билан Ўзбекистон Республикаси Президенти лавозимига киришиш тантанали маросими якунланди. Танафусдан сўнг Олий Мажлис палаталарининг қўшма мажлисида Ўзбекистон Республикаси Бош вазир лавозимига номзодни тасдиқлаш масаласи кўриб чиқилди.

Мажлисни Олий Мажлис Қонунчилик палатасининг Спикери Н.Исмоилов бошқарди.

Мамлакатимиз Конституциясининг 98-моддасига асосан Ўзбекистон Республикаси Бош вазир номзоди Ўзбекистон Республикаси Олий Мажлисининг Қонунчилик палатасига сайловда энг кўп депутатлик ўринини олган сиёсий партия томонидан кўриб чиқилган Ўзбекистон Республикаси Президентига тавсия этилади. Шунга мувофиқ Тадбиркорлар ва ишбилармонлар ҳаракати — Ўзбекистон Либерал-демократик партияси сиёсий кенгашининг ақдоли бўлиб ўтган йилгилишида Бош вазир лавозимига номзод кўрсатилди.

Ўзбекистон Республикаси Президенти Шавкат Мирзиёев Ўзбекистон Республикаси Бош

вазир лавозимига мамлакатимиз Бош вазирининг ўринбосари лавозимига ишлаб келаётган Абдулла Нигматович Арипов номзодини тавсия этди.

Биз бу масала бўйича жуда кўп ўйлаб, тегишли маслаҳатлар қилдик. Ўзбекистон Либерал-демократик партияси раҳбарияти ва фаоллари билан ҳам атрофлича маслаҳатлашдик, — деди Шавкат Мирзиёев. — Ўтказилган муҳокамаларда билдирилган барча фикр-мулоҳазаларни эътиборга олган ҳолда, мен ушбу лавозимга ҳам амалий соҳада, ҳам марказий идора-ларда кўп йиллик бошқарув тажрибасига эга бўлган, 11 йил давомида Бош вазирнинг ўринбосари бўлиб ишлаган Абдулла Нигматович Арипов номзодини тавсия этаман.

Давлатимиз раҳбари йилгилишларни А.Ариповнинг таржimai ҳоли билан таништирди. Номзоднинг касб малакаси, билим ва тажрибаси, инсоний фазилатлари ҳақида гапирди.

Барчамиз яхши биламиз, ҳозирги пайтда бутун дунёда ахборот-коммуникация технологиялари даври, деди Шавкат Мирзиёев. Бу соҳа соат сайин шиддат билан ривожланмоқда. Ҳозирги кунимиз ва келажакимизни, бу соҳа ривожисиз тасаввур қилиш мумкин эмас.

Бугунги кунда мамлакатимизда «Электрон ҳукумат» тизимига ўтиш борасида жуда катта ишлар бошланган ва уларни босқичма-босқич мантикий давом эттириш муҳим вазифа сифатида кун тартибда доимий тарзда туради.

Ахборот-коммуникация технологиялари соҳаси қанчалик ривож топгани сари, унинг афзаллиги ва қулайликларида фойдаланиш билан бир қаторда, бутун мамлакатимизда ахборот хавфсизлигини таъминлаш энг долзарб масалага айланиб бормоқда.

Шу билан бир қаторда, кейинги икки ой давомида Бош вазирнинг электрон порталига тўшган 270 мингдан ортиқ мурожаат, шунингдек, янги ташкил этилаётган «Халқ қабулхоналари»га бўлаётган мурожаатларнинг ечимини буйича ҳам аниқ ва тезкор иш тизимини яратиш талаб этилади. Бу ишларга ҳужум раҳбарининг шахсан ўзи бош-қош бўлиши зарур, деди Президентимиз.

Абдулла Ариповнинг бево-сита хизмат ваколатига қар-майдиган қўшма вазифаларни ҳам топириб, бу инсоний кўп маротаба ҳар томонлама синовдан ўтказганман.

Бу кишининг юртимизда борманг вилоят, шаҳар ёки тумани, қирмаган даласи, қурилиш, маданий-маиший,

савдо объектлари қолмаган. Шунинг учун мамлакатимиз ҳудудларидаги шарт-шароитни, муаммо ва масалаларни жуда яхши билади. Энг асосийси, борган ва кўрган жойидаги масалани тил топиш хал қилади, агар ўзи ечимласа, аниқ таклиф беради.

Давлатимиз раҳбари А.Ариповнинг ҳушмуомалиги, одамлар билан тил топиш олиш қобилияти, муаммо ва масалани эшитиш ва негизига етиб, унинг ечимини буйича адолатли қарор қабул қилиш салоҳиятини алоҳида таъкидлади.

А.Арипов бугунги кунда олдимизда турган жуда катта масалаларни ҳал этишда, яъни мамлакатимизни модернизация қилиш ва янгилашни янги босқичга кўтариш, қонун устуворлиги ва инсон манфаатларини таъминлаш бўйича дастурий вазифаларни амалга оширишда Вазирлар Маҳкамаси фаолиятини самарали асосда ташкил этиш, Бош вазир ўринбосарлари, ҳукумат аъзолари, вазирлик ва идоралар, барча даражадаги ҳокимликлар раҳбарлари билан бир ёқадан бош чиқариб, ҳамжи-ҳат бўлиб ишлаш салоҳиятига эга. У ўзига юклатилган ҳар қандай топшириққа, катта ёки кичик демасдан, бир хил масъулият билан ёндашади, сўзсиз бажариш ва мантикий яқунига

етказиш чораларини кўради.

Яна бир олижаноб хислати — ҳалоллиги, одамларга доимо ҳурмат билан қараш, уларнинг дардида дармон бўлишга интилиши, Ватанимиз ва халқимизга садоқатидир.

Сиз, ҳурматли депутат ва сенаторлардан, Ўзбекистон Республикаси Бош вазир лавозимига тавсия этилаётган Абдулла Нигматович Арипов номзодини қўллаб-қувватла-шингизни сўрайман, деди давлатимиз раҳбари.

А.Арипов Ўзбекистон Республикаси Вазирлар Маҳкамасининг яқин ва ўрта истиқбол-га мўлжалланган Ҳаракат дастури ҳақида нутқ сўзлади.

Мажлисида сўзга чиққанлар Президентимизнинг маъруза-сида баён этилган устувор йўналишларни қўллаб-қувват-лади. Ўзбекистон Республика-си Бош вазир лавозимига тавсия этилган А.Арипов ном-зодини маъқуллади. Олий Мажлис палаталари Абдулла Ариповни Ўзбекистон Респу-бликаси Бош вазир лавозими-га тасдиқлаш тўғрисида қарор қабул қилди.

Шу билан Ўзбекистон Рес-публикаси Олий Мажлиси Қонунчилик палатаси ва Сена-тининг қўшма мажлиси якун-ланди.

ДАВЛАТ ОРГАНЛАРИ ВА
МАНСАБДОР ШАХСЛАР
ФУҚАРОЛАР ОЛДИДА
МАСЪУЛДИРЛАР

■ Халқ давлат органларига эмас, балки давлат органлари халқимизга хизмат қилиши керак.

ЭРКИН ВА ФАРОВОН, ДЕМОКРАТИК ЎЗБЕКИСТОН ДАВЛАТИНИ МАРД ВА ОЛИЖАНОБ ХАЛҚИМИЗ БИЛАН БИРГА ҚУРАМИЗ

Шавкат Мирзиёевнинг Ўзбекистон Республикаси Президенти лавозимига киришиш тантанали маросимига бағишланган Олий Мажлис палаталарининг қўшма мажлисидаги нутқи

Мен мамлакат Президенти сифатида Ўзбекистон Республикаси Конституцияси талабларини қатъий ва сўзсиз бажариш, қонун устуворлигини таъминлаш, фуқароларнинг ҳуқуқ ва эркинликларини таъминлайдиган ички ва ташқи сиёсатни амалга оширишни ўзининг энг асосий бурчим ва вазифам, деб ҳисоблайман.

Ана шу фундаментал тамойилларни рўёбга чиқаришга доир амалий саъй-ҳаракатлар тўғрисида мен Конституциямизнинг 24 йиллигига бағишланган тантанали йиғилишдаги маърузамда ўз фикрларимни баён қилганимдан албатта барчангиз хабардорсиз, деб ўйлайман.

Шу муносабат билан Қонунчилик палатаси Спикери ва депутатлар, Сенат Раиси ва сенаторлардан Президентнинг Давлат маслаҳатчилари хизматлари ҳамда Хукумат билан биргаликда мамлакатимизда келажакда амалга ошириладиган ислохот ва ўзгаришларнинг ҳуқуқий асосларини янада такомиллаштириш ва мустақамлаш бўйича аниқ чора-тадбирлар комплексини ишлаб чиқишни сўрайман.

Иккинчидан, мамлакатимизда ҳукм сураётган миллатлар ва фуқаролар тотувлиги, ўзаро ҳурмат ва меҳр-оқибат муҳитини кўз қорачигидек сақлаш ҳамда мустақамлашни ўзининг устувор вазифам, деб ҳисоблайман.

Маълумки, юртимизда виждон ва эътиқод эркинлиги, турли миллат вакилларининг ҳуқуқлари кенг қафолатланиб, диний багрикенглик муҳити мустақамланмоқда.

Ҳозирги вақтда дийримида 130 дан зиёд миллат ва элат вакиллари ўзаро ҳамжиҳат яшамоқда, 16 та конфессияга мансуб диний ташкилотлар эркин фаолият юритмоқда.

Жамиятимизда ҳукм сураётган ўзаро дўстлик ва ҳамжиҳатликни янада ривожлантириш, қайси миллат, дин ва эътиқодга мансублигидан қатъи назар, барча фуқаролар учун тенг ҳуқуқларни таъминлаш эътиборимиз марказида бўлади. Уларнинг ўртасига нифоқ солаётган экстремизм ва радикал ғояларни тарқатишга Ўзбекистонда мултоқло йўл қўйилмайд.

Бугунги кунда дунёнинг айрим минтақаларида тобора кескинлашиб бораётган қонли моҳоро ва зиддиятлар, терроризм ва экстремизм хавфи биздан доимий огоҳ ва ҳушёр бўлишни талаб этмоқда.

Шу борада Ўзбекистон чегараларининг хавфсизлиги ва дахлсизлигини таъминлаш, мамлакатимиз мудофаа қобилиятини мустақамлаш, юртимиз оstonасига ҳеч қандай бало-қазони яқин келтирмаслик каби ҳал қилувчи вазифалар ҳаммиза диққатимиз марказида бўлади.

Бугун принципиал жиҳатдан ғоят муҳим бўлган бир фикрни яна таъкидлаб айтишни зарур деб биланман: Ўзбекистон ва унинг багрикент халқи тинчликсевар сиёсат юритиш, миллий ва умуминсоний қадриятларга ҳурмат билан қараш тамойилларини амалга ошириш позициясида доимо мустақам туриб келмоқда. Лекин, зарур бўлса, биз мамлакатимиз суверенитети ва мустақиллигига, халқимизнинг тинч ва осуда ҳаётига таҳдид солаётган ҳар қандай уришларга қарши кескин зарба беришга қодирмиз. Шунинг учун мен, халқимизга мурожаат қилиб, шуни айтмоқчиманки, бу масалада ҳеч қандай иккиланиш ва шубҳа бўлмаслиги лозим. Бунга

бизнинг кучимиз ҳам, қудратимиз ҳам етарли.

Фурсатдан фойдаланиб, Қуролли Кучлар, Миллий хавфсизлик хизмати, чегара ва ички қўшинларнинг аскар ва сержантлари, офицер ва генералларига, барча ҳарбий хизматчиларимизга ўзининг ҳарбий қасамёди ва муқаддас бурчига салокати учун самимий миннатдорлик билдираман.

Ишончим комилки, сизлар бундан буён ҳам юксак профессионал маҳорат, мардлик ва жасорат намунасини кўрсатиб, юртимизда тинчлик ва барқарорликни сақлаш ва мустақамлаш бўйича ўз ватанпарварлик бурчингизга содиқ бўлиб қоласиз.

Ўзбекистон Республикаси Президенти ҳузуридаги Хавфсизлик кенгашидан Мудофаа вазирлиги ва бошқа тузилмалар раҳбарияти билан биргаликда Қуролли Кучларимизнинг 25 йиллигига тайёргарлик кўриш ва уни муносиб нишонлашга доир чора-тадбирлар комплексини яқин кунларда тақдим этишни сўрайман.

Бу борада муносиб ҳарбий хизматчиларни нафақат яқинда таъсис этилган кўкрак нишонлари билан, балки юксак давлат мукофотлари билан тақдирлаш бўйича ҳам тақлифлар кириштиш мақсадга мувофиқдир.

Учинчидан, халқимиз азалдан юксак қадрлаб келадиган, ҳамма нарсадан устун қўйилган адолат туйғусини ҳаётимизда янада кенг қарор топтиришни биз биринчи даражали вазифамиз, деб ҳисоблаймиз.

Бу борада буюк соҳибқирон Амир Темур бобомизнинг: «**Адолат ҳар бир ишда ҳамроҳимиз ва дастуримиз бўлсин!**» деган чуқур маъноли сўзлари ҳар биримиз учун ҳаётий эътиқодга айланиши зарур.

Бу масала, энг аввало, давлат ҳокимияти ва бошқаруви органлари, бутун суд тизими, прокуратура, ички ишлар, назорат органлари раҳбарлари ва ходимларининг, шунингдек, Олий Мажлисининг Инсон ҳуқуқлари бўйича вакилининг бевосита вазифасидир.

Жамиятимизда коррупция, турли жиноятларни содир этиш ва бошқа ҳуқуқбузарлик ҳолатларига қарши курашиш, уларга йўл қўймаслик, жиноятга жазо албатта муқаррар экани тўғрисидаги қонун талабларини амалда таъминлаш бўйича қатъий чоралар кўришимиз зарур.

Депутатлар ва сенаторлар, кенг жамоатчилик, бутун халқимиз ҳуқуқий демократик давлат қуришнинг ана шу муҳим соҳасидаги давлатимизнинг саъй-ҳаракатларини албатта қўллаб-қувватлайди, деб ўйлайман ва бунга ишонаман.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясини амалга оширишда биз, илгаригидек, фуқароларнинг ўзини ўзи бошқариш органлари — маҳаллалар, шунингдек, нодавлат оғинарат ташкилотлар, эркин ва ҳолис оммавий ахборот воситалари фаол ўрин эгаллайди, деб ишонамиз.

«**Кучли давлатдан — кучли фуқаролик жамияти сари**» деган муҳим тамойилни амалга оширишда биз аввало ана шу ижтимоий институтларнинг куч ва имкониятларига таянамиз.

Шу муносабат билан халқ ҳокимиятининг энг муҳим пойдевори сифатида жамоатчилик назорати институтини кучайтириш бўйича мамлакатимиз Конституциясининг 32-моддасида, шунингдек, «Давлат ҳокимияти ва бошқаруви органлари

фаолиятининг очиқлиги тўғрисида», «Ижтимоий шериклик тўғрисида»ги қонунлар ва бошқа ҳужжатларда муҳраб қўйилган талабларнинг ижросини таъминлашга алоҳида эътибор қаратамиз.

Бу муҳим ишда биз барча фуқароларимиз, энг аввало, ёши улуг, улкан ҳаётий тажрибага эга нуроний оқсоқолларимиз, катта авлод вакиллари билан маслаҳатлари ва фаол қўмағига умид қиламиз ва таянамиз.

Айнан шу авлоднинг фидокорона меҳнати тўғрисида ўз пайтида мамлакатимиздаги йирик индустрия комплекслари барпо этилди ва модернизация қилинди. Уларнинг ақл-заковати ва саъй-ҳаракатлари билан саноатнинг янги, юқори технологияларга асосланган тармоқлари ташкил этилди, ноёб инфратузилма объектлари қурилди, фермерлик ҳаракати шакллантирилди, шаҳар ва қишлоқларимизнинг қиёфаси тубдан ўзгарди.

Айнан ана шундай табаррук инсонларнинг Ватанимизга бўлган буюк меҳр-муҳаббати ва жонқуялиги тўғрисида мустақил Ўзбекистон давлатининг мустақам замини яратилди.

Бугунги имкониятдан фойдаланиб, юртимиз равнақи йўлидаги фидокорона хизматлари учун муҳтарам нуронийларимизга, қадрли меҳнат фахрийларига ўзининг юксак ҳурмат-эҳтиромим ва самимий тилакларини билдиришга, уларнинг барчасига узоқ умр, мустақам соғлиқ, бахту саодат ва фаровонлик тилашга рухсат бергайсизлар.

Шу борада бир фикрга алоҳида ургу бериб таъкидламоқчиман: ёши улуг инсонлар, катта авлод вакиллари эътибор ва амалий ғамхўрликни кучайтириш, уларнинг пенсияларини ошириш, тиббий хизмат ва ижтимоий-маиший таъминотини яхшилаш бундан буён ҳам Президент учун, Хукуматимиз ва барча ҳокимликлар учун энг муҳим устувор вазифалардан бири бўлиб қолади.

Шу мақсадда пенсионерлар, ёлғиз қария ва ногиронларга давлат қўмагини кучайтириш бўйича айна пайтда кенг қамровли чора-тадбирлар комплексини ишлаб чиқилди ва улар сўзсиз амалга оширилди.

«Нуроний» ва «Маҳалла» жамгармаларининг ҳодимлар штатларини кўпайтириш ва моддий-техник базасини мустақамлаш, жамиятимиз ҳаётида уларнинг ўрни ва мавжени янада ошириш бўйича қўшимча зарур чоралар кўрилади.

Яратганининг бебаҳо мўъжизаси бўлган азиз аёлларимиз, қадрли оналаримиз, меҳрибон рафиқаларимиз, мунис опа-сингилларимиз, сеvimли қизларимиз ва набираларимиз ҳаётда бизга барча тўсиқларни енгиб ўтиш, олдимизга қўйган мақсадларимизга еришиш йўлида доимо ғамхўрлик қилиб, ҳаммиза чексиз ишонч, куч ва мадда берадилар.

Сизларнинг оналик меҳрингиз ва саховатингиз, аёллик тароватингиз ва меҳр-оқибатингиз учун биз сизлардан умрбод қарздоримиз.

Шу сабабли оналар ва болалар соғлигини муҳофаза қилиш, аёлларнинг турмуш шароитларини ҳисобга олган ҳолда, иш билан таъминлаш, опа-сингилларимизнинг оғирини енгиб қилиш учун ҳар томонлама имконият яратиш, хотин-қизларнинг ижтимоий-сиёсий ҳаётимиздаги ўрни ва нуфузини ошириш бўйича давлат сиёсатини фаол давом эттиришни биз ўзининг энг муҳим вазифамиз, деб биламиз.

Барчамизга аёнки, Ўзбекистон бой қазилма ва табиий ресурсларга, қудратли иқтисодий ва инсоний салоҳиятга эга. Бироқ бизнинг энг катта бойлигимиз — бу халқимизнинг улкан интеллектуал ва маънавий салоҳиятидир.

Бу салоҳиятни яратиш ва янада кўпайтиришда ҳурматли зиёлиларимиз — илм-фан ва техника намоёндалари, биринчи навбатда қадрли ва ҳурматли академикларимиз, маданият, адабиёт ва санъат, спорт соҳаларининг вакиллари бутун вужудини бериб, фидокорона меҳнат қилаётганларини биз яхши биламиз ва юксак қадрлаймиз.

Ана шу заҳматкаш инсонларнинг илмий ва ижодий изланишларини ҳар томонлама қўллаб-қувватлаш, улар учун зарур шарт-шароитлар яратишни биз ўзининг бирламчи вазифамиз сифатида кўришимиз даркор.

Шу мақсадда ҳукуматимиз томонидан аниқ чора-тадбирлар ишлаб чиқилди ва амалга оширилди.

Бугунги кунда «**Фарзандларимиз биздан кўра кучли, билимли, доно ва албатта бахтли бўлишлари шарт!**» деган ҳаётий давлат ҳар бир инсоннинг, ота-оналар ва кенг жамоатчилиكنинг онги ва қалбидан мустақам ҳурин эгалланган.

Ҳозирги вақтда мамлакатимиз аҳолисининг 32 фоизини ёки 10 миллионини 30 ёшгача бўлган ёшларимиз ташкил этади.

Ёшларимиз ҳақли равишда Ватанимизнинг келажаги учун жавобгарликни зиммасига олишга қодир бўлган, бугунги ва эртанги кунимизнинг ҳал этувчи кучига айланиб бораётгани барчамизга ғурур ва ифтихор бағишлайди.

Бу соҳада олиб бораётган кенг миқёсда ишларимизни, хусусан, таълим-тарбия бўйича қабул қилинган умуммиллий дастурларимизни мантикий яқунига етказишимиз зарур.

Шу мақсадда Хукуматнинг, тегишли вазирлик ва идоралар ҳамда бутун таълим тизимининг, ҳурматли домлавларимиз ва профессор-ўқитувчиларнинг энг муҳим вазифаси — ёш авлодга пухта таълим бериш, уларни жисмоний ва маънавий етук инсонлар этиб тарбиялашдан иборатдир.

Фарзандларимиз учун замонавий иш жойлари яратиш, уларнинг ҳаётда муносиб ўрин эгаллашсини таъминлашга қаратилган ишларимизни янги босқичга кўтаришни даврнинг ўзи тақозо этмоқда.

Биз ёшларга доир давлат сиёсатини ҳеч оғишмасдан, қатъият билан давом эттирамиз. Нафақат давом эттирамиз, балки бу сиёсатни энг устувор вазифамиз сифатида бугун замон талаб қилаётган юксак даражага кўтарамиз.

Ёшларимизнинг мустақил фикрлайдиган, юксак интеллектуал ва маънавий салоҳиятга эга бўлиб, дунё миқёсда ўз тенгдошларига ҳеч қайси соҳада бўш келмайдиган инсонлар бўлиб қамол топиши, бахтли бўлиши учун давлатимиз ва жамиятимизнинг бор куч ва имкониятларини сафарбар этамиз.

Тўртинчидан, иқтисодиётимизнинг барқарор суръатлар билан ўсишини таъминлашдек муҳим тамойил ва устувор вазифани амалга ошириш, давлат раҳбари сифатида мен учун стратегик вазифа бўлиб қолади.

Биз аввало иқтисодиётни ислох қилиш ва еркинлаштириш борасидаги ишларимизни янада чуқурлаштириш, унинг соҳа ва тармоқларини таркибий жиҳатдан ўзгартириш бўйича бошланган ишларни

жадаллаштиришимиз керак.

Тармоқлар ва ҳудудларни модернизация қилиш, уларнинг рақобатдошлик даражасини ошириш, экспорт салоҳиятини ривожлантириш масалалари доимий эътиборимиз марказида бўлиши лозим. Бунинг учун хорижий сармоялар ва илгор технологияларни ҳамда ахборот-коммуникация тизимларини барча соҳаларга янада фаол жалб этишимиз зарур бўлади.

Айнан шу асосда 2030 йилгача мамлакатимиз ялпи ички маҳсулотини 2 баробардан зиёд қўпайтиришга эришишимиз даркор.

Қишлоқ ҳўжалигини ислох қилиш ва озиқ-овқат хавфсизлигини таъминлаш масалалари, ҳеч шубҳасиз, биз учун энг муҳим вазифалардан бири бўлиб қолади. Энг аввало, агросаноат комплекси ва унинг локомитиви, яъни ҳаракатда келтирувчи кучи бўлган кўп тармоқли фермер ҳўжаликларини изчил ривожлантиришга катта эътибор қаратилади.

Иқтисодиётда давлат иштирокини стратегик асосланган даражада қисқартириш, хусусий мулкни янада ривожлантириш ва уни ҳимоя қилишга доир комплекс масалаларни ҳал этиш — ҳукумат, давлат бошқаруви органлари ва барча даражадаги ҳокимликлар учун энг муҳим устувор вазифа сифатида белгиланади.

Бизнинг яна бир муҳим вазифамиз — кичик бизнес ва тадбиркорлик соҳасини қўллаб-қувватлаш ва рағбатлантириш, мамлакатимиз иқтисодий қудратини, юртимизда тинчлик ва барқарорлик, ижтимоий тотувликни мустақамлашдан, бу соҳа улушини янада ошириш учун қўлай шарт-шароитлар яратиш беришдан иборат. Нега деганда, тадбиркор нафақат ўзини ва оиласини, балки халқни ҳам, давлатни ҳам боқади. Мен такрор бўлса ҳам, айтишдан ҳеч қачон чарчамайман, яъни «**Халқ бой бўлса, давлат ҳам бой ва қудратли бўлади**».

Шунинг учун бундан кейин тадбиркорликни ривожлантиришга тўсқинлик қилиш — давлат сиёсати, Президент сиёсати тўсқинлик қилиш, деб баҳоланади. Принципиал жиҳатдан ғоят муҳим бўлган бу позициямизни яна бир бор алоҳида таъкидлаб ўтишни муҳим ва зарур деб ҳисоблайман.

Сайловчилар билан учрашуларда нафақат тадбиркорлар, балки аҳолимизнинг кенг қатлами ана шу талабни қатъий қўллаб-қувватлаганига шахсан ўзим чуқур ишонч ҳосил қилдим.

Бешинчидан, биз амалга ошираётган иқтисодий ислохотлар ва ижтимоий ўзгаришларнинг самараси, биринчи навбатда, аҳолининг моддий аҳволи ва фаровонлигини, унинг ҳаёт даражаси ва сифатини оширишга қай даражада таъсир кўрсатаётгани билан ўлчанади.

Шу мақсадда иш ҳақи, пенсия, нафақа ва стипендиялар миқдорини босқичма-босқич ошириб бериш бўйича биз аниқ чора-тадбирларни режалаштирганмиз ва улар албатта амалга оширилади.

2017 йилдан бошлаб аҳолини, авваламбор, лицейлар, касб-хунар коллежлари ва олий ўқув юртлари битирувчиларини иш билан таъминлаш масаласи бўйича янги тизим жорий этилади.

Истеъмол товарлари ишлаб чиқаришни кенгайтириш ва аҳолининг уларга бўлган эҳтиёжини тўлиқ қондириш, жумладан, мақбул нархлар бўйича кенг турдаги озиқ-овқат маҳсулотлари билан халқимизни тўлиқ таъминлаш

олдимизда турган муҳим вазифалар қаторига кирди.

Биз учун бебаҳо бойлик бўлган инсон саломатлигини асраш мақсадида соғлиқни сақлаш соҳасини, энг аввало, унинг бирламчи бўғинидаги бўлинмалари ва қишлоқ врачлик пунктлари фаолиятини тубдан такомиллаштириш, тез тиббий ёрдам ва юқори технологиялар асосида хизмат кўрсатадиган, ихтисослашган махсус марказларни янада ривожлантириш юзасидан чора-тадбирлар комплексини амалга ошириш Хукуматнинг эътибор марказида бўлиши даркор.

Бу масалада кунги кеча Соғлиқни сақлаш вазирлиги тизимидаги раҳбар кадрлар тўлиқ янгиланди ва айтиш мумкинки, уларнинг таркиби кучайтирилди.

Барчангизнинг хабарингиз бор, дори воситалари ва тиббий буюмларга нархларни шакллантириш тизимини такомиллаштириш бўйича кейинги пайтда аниқ чоралар кўрилмоқда ва биз бу ишларни қатъий давом эттирамиз.

Бу борадаги ислохотлар аҳолига тиббий хизмат кўрсатиш ва дори воситалари билан таъминлаш сифатини тубдан яхшилашга қаратилган бўлиши билан алоҳида аҳамиятга эга.

Хабарингиз бор, 2017-2021 йилларга мўлжалланган 15 та мақсадли дастурнинг айримлари қабул қилиниб, уларнинг ижросига киришилди ва яқин вақт ичида шу йўналишдаги бошқа дастурларнинг барчасини тасдиқлаш бўйича ишлар тўлиқ якунланади.

Мазкур дастурларнинг барчасини янада мақсад бериштириб туради. Яъни, улар яқин 5 йилда аҳоли пунктларини, айниқса, қишлоқ жойлар, туман ва шаҳарларни комплекс ривожлантириш, замонавий муҳандислик-коммуникация, ижтимоий ва бозор инфра-тузилмасини шакллантиришга доир бир қатор долзарб масалаларни ҳал этишга қаратилади.

Олтинчидан, аҳоли билан доимий мулоқот қилиш, унинг қонуний талаблари, сўров ва тақлифларини амалга ошириш учун аниқ чоралар кўришни мен ўзи учун энг муҳим ва устувор вазифа, деб ҳисоблайман.

Энди нафақат ҳукумат, балки мутасадди вазирлик ва идоралар, ҳўжалик бирлашмалари, шунингдек, ҳокимларнинг ҳам бу борадаги фаолияти яқунлари бўйича ҳисобот бериш тизими жорий этилади ва шунга қараб уларнинг ишига баҳо берилади. Шу сабабдан ҳар бир раҳбар ва мансабдор шахшдан айна шу асосда тизимли ва самарали иш олиб боришни талаб этаман.

Сизларга яхши маълумки, биз 2017 йилни юртимизда «Халқ билан мулоқот ва инсон манфаатлари йили» деб эълон қилдик. Лекин, ҳаммамиз тушунамизки, халқ билан мулоқот, одамларнинг ичига кириш, уларнинг дарду ташвишлари билан яшаш, инсон манфаатларини таъминлаш — бу биз учун фақат бир йиллик иш эмас.

Бу масала келгуси беш йиллик фаолиятимизда ҳам энг устувор вазифа бўлиб қолади ва бу ҳақиқатни ҳаммамиз чуқур тушуниб, яхши англаб олишимиз шарт. Чунки, биз юртимизда янги давлат, янги жамият қуриш йўлида қандай иш қилсак, уларнинг барчасини халқимиз билан бамаслаҳат қиламиз.

◀ Давоми. Бошланиши 1-2-бетларда.

МУНОСАБАТ

■...Мамлакатимизда бир йилда беш юз мингдан ортиқ ёшлар касб-хунар коллежи ва академик лицейни битиради. Улар учун олий ўқув юртларида атиги олти мингга яқин талабалик ўрни бор.

Ёшлар таълим-тарбияси — долзарб масала

Ўзбекистон Республикаси Президенти Шавкат Мирзиёевнинг Конституциямиз қабул қилинганининг 24 йиллигига бағишланган тантанали маросимдаги нутқини катта ҳаяжон билан тингладим. Ҳар бир масала юзасидан очиқ-ошкора, оддий ва тушунарли қилиб, фикр-мулоҳаза билдирилганидан, тўғриси, роса қувондим.



Муристон ҚОДИРОВ олган сурат.

Мен педагог-иктисодчиман. Шу боис маърузада таълим-тарбия, айниқса, ўқитувчилар билим ва маҳорат даражаси, бола тарбиясида ота-онанинг жавобгарлиги ҳақида билдирилган фикрлар юрагимдан чуқур жой олди.

Ўзбекистондаги касб-хунар коллежлари тизимидан ибрат олиш лозим, деган фикрларни кўна Марғилонимизга ташриф буюрган кўлаб хорижий мутахассис, фан, таълим соҳаси етакчилари, давлат арбобларидан ашитганман. Дарҳақиқат, Биринчи Президентимиз асос солган касб-хунар таълими босқичидан ўтган миллионлаб ёшлар бугун мустақил ҳаётга кириб келдилар. Улар энг замонавий технологияларни бошқариб, ишлаб чиқаришнинг етакчи кучига айланмоқда.

Мен ҳам анжуманда билдирилган фикрлар, илгари сурилган ғоялардан руҳланиб, юрагимдагиларни айтмоқчиман. Ҳа, ҳали қилиниши лозим бўлган ишлар оз эмас. Компьютер технологияларига икти-сослашган айрим коллеж ўқув хоналарида зарур жиҳозлар етишмаслиги ёки бори ҳам эскириб, ярқисиз ҳолга келгани ва амалий маш-гулот ўтказиш талаб даражасида эмаслигини яширмайман. Баъзан эса кутубхоналар фондини бойитишга маблағ етишмаяпти, деган гапларни ҳам эшитиб тураман. Фарзандларимиз орасида китобхонлик изчил эмас, деймиз. Бу ҳақ гап. Лекин масаланинг бошқа жиҳати ҳам бор. Масалан, китоб тарғиботи, ай-ниқса, янги китоблар тарғиботи қай

ахволда? Кутубхоналарда соҳанинг маълумотли мутахассислари ишла-яптими?

Халқ депутатлари Фарғона ша-ҳар Кенгашининг яқинда бўлиб ўтган сессиясида таъкидланишича, коллеж ва лицей битирувчиларининг атиги уч фоизга яқини олий ўқув юртла-рида ўқишни давом эттираётган экан. Хўш, олий ўқув юртига қабул қилинмаган ёшлар ҳозир қаерда, нима билан машғул?

Яқинда ЎзХДП вилоят кенгаши, Фарғона вилояти ҳокимлиги ва «Ка-молот» ЕИХ билан ҳамкорликда сайлов арасидаги шахар ва туман-лардаги барча уюшмаган ёшлар учун «Ёшлар ва сайлов» мавзусида форум ўтказди. Мен тadbир ишти-рокчилари билан суҳбатладим.

Бундай эътибордан қувонган ёшлар форум учун миннатдорлик изхор этиб, бўлаётган воқеаларга нисба-тан нуктаи-назарларини билдириш-ди. Мен педагог сифатида айта-манки, ёшлар билан ишлашда кам-чиликлар оз эмас, бажарилиши ке-рак бўлган вазифалар кўп. Прези-дентимиз ёшлар масаласида гапи-раётди, «Биз шахар туманлар ҳокимликларида ёшлар масаласи билан шуғулланадиган ўринбосар жорий этамиз», — деганида, маса-лага энди ечим топилиганини ан-гладим.

Ёшларнинг буюк истиқболи йўли-да партиямиз ғоявий мақсадларига ҳамоханг бўлган яна бир масала-га эътибор қаратмоқчиман. Ста-тистик маълумотларга кўра, олий

ўқув юртларидаги бир талабалик ўрни учун ўртача 8-10 талабгор ку-раш олиб боради. Абитурientлар-нинг тўртдан уч қисми кириш си-новларида иккинчи, учинчи бор иш-тирок этаётганлардир. Бу қонқарли ахволми? Уйлаб кўрайлик, мамла-катимизда бир йилда беш юз мингдан ортиқ ёшлар касб-хунар коллежи ва академик лицейни битиради. Улар учун олий ўқув юртларида атиги ол-ти мингга яқин талабалик ўрни бор. Фикримча, бу масалани ҳам жиддий ўйлаб кўриш зарур.

Яна бир мисол. 8 миллиондан зиёд аҳоли яшайдиган Фарғона во-дийси вилоятларида иқтисодий би-лим берадиган ўрта университет, тўртта институт бўлса-да, уларнинг барчаси ҳисобига 10 иқтисодчи-ма-гистр ўрни ажратилган. Ёки, Фарғо-на вилоятининг ўзида 88, қўшни Андижон, Наманган вилоятларида бундан биров камроқ ОАВ фаолият кўрсатаётган бўлишига қарамай, ўрта-маҳсус маълумотли фотомух-бир, дизайнчи, монтажчи, тасвири-каби мутахассислар тайёрлайдиган бирорта ҳам коллеж ёки икти-сос-лашган академик лицей йўқ...

Президентимиз маърузасида жа-миятимиздаги кўпдан-кўп муаммо-ларга ечим топишга ҳаракат қила-ётганини кўриб-билиб турибмиз. Ўз навбатида, биз маърузадаги бар-ча вазифалар ва ғояларни ўта долзар-б ва ҳаётий, деб биламиз. Биз, касб-хунар коллежлари ўқитувчилари бу ислохотларни астойдил кўлаб-қу-ватлашимиз, улар амалга ошишида фаол иштирок этишимиз лозим, деб ҳисоблайман.

Нозима ТОШМАТОВА,
Марғилон педагогика касб-хунар
коллежи ўқитувчиси,
ЎзХДП аъзоси.

«Мен Ватаним равнақига ҳисса қўшишни хоҳлайман»

2008 йилдан буён Ўзбеки-стон Халқ демократик партияси «Истиқбол» ёшлар қанотининг «Ёш сийёсатчи» кўрик-танлови ўтказиб келинмоқда.

Кўрик-танлов 2014 йилдан буён тўрт босқичда ўтказиб келинмоқ-да. Бу йил 9 мингга яқин бошлан-ғич партия ташкилотлари танловнинг дастлабки босқичи ўтказилди.

«Мен Ватаним равнақига ҳисса қўшишни хоҳлайман» деган эзгу ғояни ёшлар онгига синдириш, са-марали лойиҳаларни ҳаётга татбиқ этиш, истеъдодли йигит-қизларни аниқлаш ва ҳар томонлама кўлаб-қувватлаш мақсадида ташкил этил-ган танловнинг бу йилги респуб-лика босқичи 15-17 декабрь ку-нари Тошкент шаҳрида бўлиб ўтади. Унда танловнинг Қорақал-поғистон Республикаси, вилоятлар ҳамда Тошкент шаҳри бўйича (14 нафар) голиблари уч шарт асоси-да беллашади.

ФУТБОЛ

Куала-Лумпур (Малайзия)-да футбол бўйича келаси йили бўладиган Осиё чемпи-онлар лигаси учрашувлари-га қуръа ташланди.

Рақиблар маълум

Хабарингиз бор, жорий йилги ма-всумда мамлакат чемпионлиги ва Ўзбе-кистон кубогини қўлга киритган Тош-кентнинг «Локомотив» футболчилари мазкур нуфузли мусобақанинг гуруҳ босқичида қатнашади. Қуръага кўра, темирўйчилар «А» гуруҳида «Ал-Ахли» (Бирлашган Араб Амирликлари), «Ал-Тавон» (Саудия Арабистони) жамоа-лари билан куч сынашади. Гуруҳдаги тўртинчи иштироки «плей-офф» бос-қичининг «Истиқлол» (Эрон) — «Ал-Садд» (Қатар) жуфтлиги баҳсидан сўнг маълум бўлади.

Миллий чемпионатнинг қумуш ме-дали совриндори — «Бунёдкор» жа-моаси эса баҳсларни плей-офф бос-қичидан бошлади. Бунёдкорчилар дастлаб Қатarning «Ал-Жайиш» футбол-чиларига қарши майдонга тушибди.

Миллий чемпионатимизда бронза медали билан тақдирланган Қарши-нинг «Насаф» жамоаси ва муҳлисла-рини қизиқarli учрашувлар кутмоқ-да. Мусобақа низомига мувофиқ, қар-шиликлар дастлаб ўттиш учрашуви-да Баҳрайннинг «Ал-Хидд» жамоаси билан баҳс юритади.

Мусобақанинг гуруҳ босқичи баҳс-лари эса 20 февралда бошланади.

Эркин ХОЛБОБОВ,
«Ўзбекистон овози» муҳбири.

РЕКЛАМА ВА ЭЪЛОНЛАР

ВНИМАНИЮ РУКОВОДИТЕЛЕЙ ПРЕДПРИЯТИЙ И ОРГАНИЗАЦИЙ!



Государственное унитарное предприятие «Международный аэропорт «Ташкент»

объявляет тендер по закупке 2 единиц передвижных
кондиционеров типа «зима-лето» для технического
обслуживания воздушных судов «Боинг-787» на стоянке.

Тендер будет проводиться с 10 де-кабря 2016 года по 20 января 2017 года.

Желающих принять участие в тенде-ре просим прислать на E-mail: sst.tas@uzairways.com или по факсу 8-10-99871-140-28-48 заявку на полу-чение тендерной документации. Заяв-ка должна быть оформлена на фирмен-ном бланке организации и заверена подписью руководителя и печатью, иметь исходящий номер. К ней долж-на быть приложена копия платежного по-ручения о внесении платы за докумен-тацию в размере 500 долларов США (сумма не возвращается) и официа-льный ответ на следующие вопросы квал-ификационного отбора:

❖ Находится ли организация в ста-дии реорганизации, ликвидации или банкротства?

❖ Имеются ли ненадлежащим об-разом исполненные ранее принятые обязательства по ранее заключенным контрактам с заказчиком?

❖ Дата учреждения предприятия?

❖ Находится ли предприятие в сос-тоянии судебного или арбитражного разбирательства в качестве ответчика (соответчика) за неисполнение догово-рных обязательств?

❖ Несут ли представленные сведе-ния ложный или неправдивый характер? Указанная плата вносится на сле-дующие расчетные счета и возврату не подлежит:

— валютный: 22696840300185981059 В ОПЕРУ «Азия Альянс Банк», СВИФТ ASACUZZ22

— сумовый: 22696000400185981002, МФО 01095: В ОПЕРУ «Азия Альянс Банк».

Тендерные документы будут приня-ты к участию в тендере при внесении залоговой суммы в 6000,00 долларов США (возвращается по завершению тендера на заранее указанный претен-дентом счет).

Плата за документы и залог отече-ственных участников тендера принима-ется в национальной валюте по курсу ЦБ РУз на день внесения.

Условия оплаты — не более 30% предоплаты, остальное обговаривает-ся с победителем при составлении контракта.

Перевозка осуществляется железно-дорожным или автомобильным транспор-том. Возможен комбинированный метод.

Все тендерные документы представ-ляются на русском языке.

Заявки на пакет тендерных докумен-тов будут приниматься до 20 декабря 2016 года по факсу или электронной почте.

Прием тендерных предложений — до 15 часов по ташкентскому времени 6 января 2017 г. включительно (почтой или нарочным).

Максимальный срок поставки техни-ки — 120 календарных дней с момента внесения покупателем авансового пла-тежа. Возможна корректировка срока поставки с победителем тендера, но не более 10 дней в сторону увеличения срока.

Дополнительную информацию мож-но получить по телефону: +99871-140-29-54 или +99890187-62-19, спросить Семена Аркадьевича.

Услуги лицензированы.

ЗАВОД «КРАНЫ И СПЕЦТЕХНИКА» ПРОИЗВОДИТ И РЕАЛИЗУЕТ ПОД ЗАКАЗ:



- ▶ Автокраны — 16, 25, 32, 50 т.
- ▶ Краноманипуляторы — 3, 5, 10 т.
- ▶ Ямобуры.
- ▶ Автовышки — 11, 18, 22, 28, 31м.
- ▶ Самосвалы — 3т, 4,5т, 9т.

ГАРАНТИЯ
1 ГОД

Адрес: Республика Узбекистан, г. Ташкент.
Тел./факс: (+99871) 262-97-78, (+99871) 262-23-61.
Моб.: (+99890) 188-15-33, (+99890) 187-52-05.

E-mail: cst2008@mail.ru Web-site: www.avtokran.uz, www.krantas.uz

Товары сертифицированы.

MUASSIS:
O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: Safar OSTONOV

TAHRIR HAY'ATI:

Hotamjon KETMONOV

Ulug'bek VAFOYEV

Rustam KAMILOV

Saidkamol XODJAYEV

Muslihidin

MUHIDDINOV

Ochilboy RAMATOV

Saidahmad RAHIMOV

Farrux HAMROYEV

(Bosh muharrir birinchi o'rinbosari)

Tat'yana KISTANOVA

(Bosh muharrir o'rinbosari)

Qabulxona — 233-65-45

Xatlar va murojaatlar uchun — 233-12-56

E-mail: info@uzbekistonovozi.uz

MANZILIMIZ:

100000, Toshkent,

Matbuotchilar

ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasiда chop etildi. Korxona manzili: Buyuk Turon ko'chasi, 41-uy. Gazeta ofset usulida, A-2 formatida bosildi. Hajmi — 2 bosma taboq.

Gazeta seshanba, payshanba va shanba kunlari chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 1259

8765

nuxada

bosildi.

Nashr ko'rsatkichi — 220

t — Tijorat materiallari

O'za yakuni — 22:19

Topshirilgan vaqti — 02:35

Sotuvda kelishilgan narda

Navbatchi:

Temur XUDOYBERDIEV

Sahifalovchi-dasturchilar:

Zafar BAKIROV

Behzod ABDUNAZAROV

ISSN 2010-7633

1 2 4 5 6